

"মিষ্টি বাচ্চারা -- এই পুরানো দুনিয়ায় প্রতি কোনো রকম আশা না রেখে ভবিষ্যতে উঁচু পদ পাওয়ার জন্য কেবল নষ্টমোহা হও, বাবাকে স্মরণ করো আর পবিত্র থাকো"

প্রশ্ন :- বাবা কোন্ সহজ সরল রাস্তা বলেন, কোন্ বিষয়ের সঙ্গে বাবার কোনো সম্পর্ক নেই ?

উত্তর :- বাবা বাচ্চাদের শান্তিধাম আর সুখধামে যাওয়ার সহজ সরল রাস্তা বলেন -- তিনি বলেন বাচ্চারা, শুধু বাবাকে স্মরণ করো আর পবিত্র থাকো । বাকি তোমাদের সামনে যদি কোনো বিপদ আসে, দুঃখ বা রোগ আসে, যদি দেউলিয়া হয়ে যাও, এ সমস্ত কিছুই তোমাদের নিজের কর্মের হিসেব, এর সঙ্গে বাবার কোনো সম্পর্ক নেই । বাবা যুক্তি বলে দেন, কিন্তু কর্মবন্ধন থেকে মুক্ত হওয়া প্রত্যেক বাচ্চার নিজেদের কাজ ।

প্রশ্ন :- কোনো কোনো বাচ্চারা কোন্ একটি কারণে সেবার উপযুক্ত হয় না ?

উত্তর :- তাদের হালকা পারিবারিক নেশা থাকে, মায়ার পোকায় আক্রান্ত থাকে -- এই কারণে তারা সেবার উপযুক্ত হতে পারে না ।

গীত :- চলে গেছে দুঃখের দুনিয়া

ওম শান্তি । খুশী আর দুঃখ । এখন হল রাবণ রাজ্য । মানুষ তো জানে না যে রাবণ রাজ্য কাকে বলা হয় । বাবা এসে বাচ্চাদের বোঝান যে, দুঃখ কখন থেকে শুরু হয় আর খুশী কখন হয় । এই রাবণ রাজ্যে যেমন দুঃখও আছে তেমন খুশীও আছে । এখনই খুশী এখনই দুঃখ । বাচ্চা জন্মালে খুশী আবার মারা গেলে দুঃখ । সন্ন্যাসীরাও বলে থাকেন - এখানকার সুখ কাক বিষ্ঠার সমান । তাহলে অবশ্যই তারা বলবেন এ হলো দুঃখের দুনিয়া । কিন্তু তারা জানেই না যে সদা সুখ, যেখানে দুঃখের নামমাত্রও থাকে না, সে হলো সত্যযুগে । এ তোমরা বাচ্চারা এখন জেনেছো যে, বরাবর এখন হলো রাত । রাত দুঃখকে বলা হয়, একে রাবণের রাত বলা হয় । রাবণ আসার পরে ভক্তি শুরু হয় । বিকারও আরম্ভ হয়ে যায় । এখন তোমরা বাচ্চারা বুঝতে পারো যে, আমরা সর্বদা এখন সর্বদা খুশীতে থাকার পুরুষার্থ করছি । বাবা বোঝান যে বাচ্চারা, ভবিষ্যতে উঁচু পদ পাওয়ার পুরুষার্থ করো আর কোথাও কোনো কিছুর প্রতি আশা রেখো না । বাচ্চারা তো এই কথা জানেই না যে বেহদের বাবার থেকে তারা কি পায় । বাবা এসেই তা বলেন । দুনিয়া এই কথা জানে না যে পরমাত্মার থেকে তারা কি পায় । তারা ভাবে যে দুঃখ - সুখ তিনিই দেন । বাবা বলেন, আমি তো সদা সুখই দিতে আসি । তোমরা কেবল আমার শ্রীমতে চলো । আমি তো তোমাদের শান্তিধাম আর সুখধামের রাস্তা বলতে এসেছি । সেই রাস্তায় চলা তো তোমাদের কাজ আর কি ঝঞ্জাটই বা তোমাদের সামনে আসে ? সমস্ত দুনিয়াই তো ঝঞ্জাটের মধ্যে আছে । বাবা বলেন, আমি তো তোমাদের সিধাসাদা পথ বলে দিই । এ তো খুবই সহজ । বাকি যে সমস্ত বিপদ বা ঝঞ্জাট আসে, দুঃখ আসে, রোগ ইত্যাদি আসে, জীবনে দেউলিয়া আসেএ সমস্তই তোমাদের কর্মের হিসেব । তাই প্রত্যেকেই তা ভোগ করতেই হবে, এর সঙ্গে আমার কোনো সম্পর্ক নেই । এই সময়ও কেউ এমন পাপ করে যে দুঃখ ভোগ করতে হয় । আমি তো তোমাদের পথ বলে দিতে এসেছি । আমার আদেশ

হলো যে, আমাকে স্মরণ করো কেননা এখন ফিরে যেতে হবে। বাকি লড়াই - ঝগড়া করে তো আয়ু হারিয়ে ফেলেছো। আমি তো তোমাদের সোজা পথ বলে দিই যে আমাকে স্মরণ করো আর পবিত্র থাকো। কেমন ভাবে থাকবে, এই যুক্তিও তিনি বলে দেন। বাকি মাথা ঠোকা বা পুরুষার্থ করা তো তোমাদের কাজ। এই সমস্ত কর্ম বন্ধন হলো বাচ্চারা তোমাদের। বাবা বলেন, গৃহস্থ জীবনে থেকে পবিত্র থাকতে হবে। বাবা জানেন, কোনো স্ত্রীর তার স্বামীর প্রতি বা সন্তানের প্রতি অনেক মোহ থাকে, এর থেকে ছাড়া পাওয়া বা নষ্টমোহা হওয়াএ হলো বাচ্চাদের কাজ।

বাবা তো কেবল দুটি কথা বলেন -- যদি সম্পূর্ণ বর্ষা নিতে হয় তাহলে অবশ্যই পবিত্র হতে হবে আর দ্বিতীয় যোগে থাকতে হবে। কোনো বিষয়ে কেউ যদি তোমাদের সঙ্গে লড়াই ঝগড়া করে - সে তোমাদের কর্মের হিসেব নিকেশ। বাকি তোমরা পবিত্র থাকবে, এতে গভর্নমেন্টও তোমাদের আটকাতে পারে না। বাবা তো পথ বলে দেন যে তোমাদের ঘরবাড়ি ত্যাগ করতে হবে না। গৃহস্থ জীবনে থেকে পবিত্র থাকতে হবে আর যোগে থাকতে হবে। মানুষ ভাবে পবিত্র থাকা খুবই মুশকিল কেননা এমন শিক্ষা কেউই কখনো দেয় নি। যদিও অনেকেই ব্রহ্মচারী থাকেন কিন্তু এখানকার নিয়ম হলো গৃহস্থ জীবনে থেকে পবিত্র থাকতে হবে। কুমারী তো পবিত্রই, তার জন্য অনেক সহজ পবিত্র থাকা। গৃহস্থ জীবনে আর যেও না। এতে কেবল হিন্মতের প্রয়োজন। তোমরা বলতে পারো যে ভারতকে স্বর্গ বানানোর জন্য আমরা পবিত্র থাকতে চাই, এতে ভারতেরই কল্যাণ। পবিত্রতার আশীর্বাদী বর্ষা আমরা পেয়ে যাবো। এ হলো বর্ষা নেওয়ার কথা। সত্যযুগে ছিল পবিত্র দুনিয়া। সঙ্গম যুগে যারা পবিত্র হতে পারে তারাই পবিত্র দুনিয়ার মালিক হতে পারবে। এতে সম্পূর্ণ দুনিয়ার প্রশ্ন নেই যে সবাই কি করে পবিত্র হবে। এখন সকলেরই শেষ সময়। এখন সকলকেই হিসেব নিকেশ শেষ করে ফিরে যেতে হবে। সকলেই তো এসে আর জ্ঞান গ্রহণ করবে না। যারা সহজ রাজযোগ শিখবে তারাই আশীর্বাদী বর্ষা পাবে। সম্পূর্ণ দুনিয়া কেন, সম্পূর্ণ ভারতও এই জ্ঞান শুনে ধারণ করতে পারবে না। বাকি কোনো ঝগড়া যদি থাকে তা তো বাচ্চারা তোমাদের যোগবলের দ্বারা মেটাতে হবে। তাদেরই মার খেতে হয় যাদের কিছু মমত্ব থাকে, যারা নষ্টমোহা হতে পারে না, তাদের সেই শক্তি থাকে না। বাবার কাছে থবর এসেছিলো যে এক গোপীকা অনেক চোখের জল ফেলেছিলো। কিন্তু কাল্লাকাটি করলে কি হবে? বাবা তো অনেক যুক্তি বলেছেন। পতিকে বলো, আমি পবিত্র থাকতে চাই আর বাকি সমস্ত সেবা করার জন্য তৈরী। যুক্তি দিয়ে নিজেদের মুক্ত করতে পারো। কিন্তু প্রথমে নিজের মনের মমত্ব দূর হওয়া দরকার। মায়েদের তাদের পতি আর বাচ্চার প্রতি অনেক মোহ থাকে। এরপর তারা বলে, কেউ এর থেকে মুক্ত করুক। কিন্তু এতে চিত্তকার করার বা কাল্লাকাটি করার কোনো প্রয়োজন নেই। এ হলো বোঝার কথা। মনে করো কোনো বাচ্চার স্ত্রী আছে বা সন্তানও ভালো, বাবা তো বলবেন, গৃহস্থ জীবনে থেকে পবিত্র হয়ে দেখাও এই অন্তিম জন্মের জন্য। তাই পতিকে বুঝিয়ে বশ করার প্রয়োজন। না হলে জবাব দিতে হবে। কিন্তু যখন নষ্টমোহা হবে তখনই তা সম্ভব। কেউ চাইলে এক সেকেন্ডেই নষ্টমোহা হতে পারে, না হলে জীবনভর হতে পারবে না। অনেককে ছাড়ার পরও মমত্ব দূর হয় না, তখন সেই মমত্ব টানতে থাকে, তখন সেই অবস্থা আর থাকে না, তাই বাবা বলেন আগে নষ্টমোহা হও। এরপর যদি কর্ম তোমাদের কাটতে থাকে তাহলে বাবা কি করবে? সবার জন্য রাস্তা একটাই, অবশ্যই পবিত্র হতে হবে। যদি পবিত্র না থাকতে দেয় তাহলে নিজের পায়ে দাঁড়িয়ে যে কোনো সেবায় লেগে যাও। এখানে তো স্বচ্ছ মন চাই। এমন নয় যে, ঘর ছেড়ে এলে, ব্রাহ্মণ কুলে থাকলে তারপর কোনো না কোনো পারিবারিক সম্পর্কে ফেঁসে গেলে। এমনও অনেক আছে যাদের হালকা পারিবারিক নেশা থাকে। তাদের অবস্থার উদ্ধারগতি

হয় না। তারা সেবার যোগ্য হয় না কেননা অন্দরে পোকা লেগে থাকে। মায়া তাদের ছাড়িয়ে না। তারা লেখে যে -- বাবা, মায়ার অনেক তুফান আসে। তাহলে অবশ্যই হালকা নেশা আসবে। এখানে কমল পুষ্পের সমান থাকতে হবে। দ্বিধাগ্রস্ত হওয়ার কোনো কথাই নেই। সকলেরই নিজের নিজের কর্মের বন্ধন, তাহলে ওষুধও তার নিজের নিজের। কেউ রোজগারের জন্য জিঞ্জের করে তখন বাবা তার পোতামেল দেখে রায় দেন। এমনও কেউ আছে যাদের ব্যবসা এমন যে পাপ করা ছাড়া শরীর নির্বাহ হয় না। এখন সময়ই এমন হয়ে গেছে। কারোর কাছে অনেক পয়সা আছে তাই পাপ করার দরকার হয় না। বাবা বলেন, শান্ত হয়ে বসে যোগের কামাই করো কিন্তু কোনো কাজ করার আগে রায় নিতে হবে। এমন নয় যে কাজ করার পর বললে, এই বিষয়ে ফেসে গেছি, এখন কি করবো? বাবা বোঝাতে থাকেন, যদি অর্থ অনেক থাকে তাহলে শান্তিতে বসে বাবার থেকে আশীর্বাদী বর্ষা নাও। কাজ কারবারের ঝামেলা ছাড়া। প্রতি পদে শ্রীমতে চলা অত্যন্ত জরুরী। নিজেদের মধ্যে খুবই মিষ্টি সম্পর্ক রাখতে হবে। না হলে তোমরা বাপদাদার নাম বদনাম করবে। বাপদাদা বা সংগুরু নাম যারা বদনাম করায় তারা উঁচু পদ পেতে পারে না। নিজের হাতে নিয়ম ওঠানো ঠিক নয়। না হলে সবাই বলবে, ঈশ্বরীয় কুলেও কি এমন বাচ্চা হয়? বাবা বলেন, কাউকেই দুঃখ দিও না। ভোরবেলা উঠে বাবাকে স্মরণ করো। বাবা তুমি কতো মিষ্টি, তুমি আমাদের রাজার রাজার রাজা, স্বর্গের মালিক বানাও। আমরা তোমার শ্রীমতে অবশ্যই চলবো। আমরা আসুরী মতে চলবো না। বাবাকে স্মরণ না করলে বাবা বুঝে যান, এদের কড়া আসুরী সংস্কার আছে। এরা রাজ্য - ভাগ্য কি নেবে? নিজের চলন তো দেখো। না হলে বাচ্চারা তোমাদের মতো ভাগ্যবান এই দুনিয়ায় আর কেউ নেই। বাবা তো বলবেনই - তোমরা প্রকৃত সন্তান হও। এমন চলন দেখাও যাতে বাবাও খুশী হন। বাবার বাচ্চাদের প্রতি অনেক খেয়াল থাকে যে কিভাবে বাচ্চাদের দুঃখ থেকে মুক্ত করে উঁচু পদ প্রাপ্ত করাবেন।

বাবা বোঝান যে, তোমরা জাগতিক ব্যবসা বাণিজ্য করো কিন্তু ব্রাহ্ম মুহূর্তে উঠে বাবার সঙ্গে মিষ্টি - মিষ্টি কথা বলা উচিত। বাবা আপনি তো কামাল করে দিয়েছেন। ২১ জন্মের জন্য স্বর্গের বাদশাহী তো আপনিই দেন। আমি তো আপনার কাছে বলিহারি যাবো। তাহলে বলিহারি যেতে হবে, কেবল বললেই হবে না। যত সময় বাবার স্মরণে থাকবে তার প্রভাব সারাদিন চলতে থাকবে। অনেক বি.কে আছে, যারা ভোরবেলা ওঠে না, তো ধারণাও হয় না। ভোরবেলা ওঠার যদি অভ্যাস হয়ে যায়, তখন দেখা কেমন সেবা পরায়ণ হয়ে যাও। যার সার্ভিসের শখ থাকে সে যেখানে খুশী সার্ভিস করতে পারে। গালি তো পাবেই। একশোর মধ্যে একজন বের হবে। এতে লজ্জা হলে হবে না। সার্ভিস তো অনেক জায়গায়, শুধু করার লোক চাই। বাবা তো যুক্তি বলতেই থাকেন। নেশা থাকা উচিত। আর সকল নেশায় হয় লোকসান, নর থেকে নারায়ণ বানানোর নেশা ছাড়া। এই নেশা একমাত্র বাবাই চড়ান। বাকি আর কারোর কাছে এই গ্তানের নেশা নেই। পতিত দুনিয়া আর পবিত্র দুনিয়ার খবরও কেউ জানে না। পতিত দুনিয়াতে অবশ্যই পতিতরা থাকে তখনই তারা পবিত্র দেবতাদের পূজা করে। সত্যযুগ আর ত্রেতাযুগে তো পবিত্র মহারাজা মহারানী ছিলো। দ্বাপর থেকে রাবণের রাজধানী শুরু হয়। বাচ্চারা জানে যে শিব বাবা আমাদের ভালো কর্মই শেখান, আর পদেরও সাক্ষাৎকার করান। এ হলো প্রত্যক্ষ ফল সাক্ষাৎকারের। বাবা যখন স্বয়ং এসেছেন শেখানোর জন্য তখন শেখার কতো উৎকণ্ঠা থাকা উচিত। এমন বলা হলো কর্মবন্ধন, একেও কমজোরী বলা হয়। কর্মবন্ধন থেকে মুক্ত হওয়ার যুক্তিও বাবাই বলতে থাকেন। কিন্তু এমন রায় তিনি পোক্ত বাচ্চাদেরই দেবেন নাকি কাঁচা বাচ্চাদের দেবেন। কোনো কোনো সংসারে আবদ্ধ মেয়েরাও পুরুষার্থ

করে জ্ঞান আর যোগবলের দ্বারা পতিকে বশ করে তাকে নিয়ে আসে, মারও অনেক খায় । বলা হয় না - যতই বাধা আসুক, ধর্ম ছাড়া উচিত নয় । তাই এই প্রতিজ্ঞাও করা হয় এবং তা ধরে থাকা উচিত । এর অভ্যাসও করা উচিত । মায়া হলো অতি প্রবল, এর উপর বিজয় পেতে হবে, সম্পূর্ণ পুরুষার্থ করতে হবে । এমন নয় যে স্বর্গে যা হোক পদ পাই । না তা নয়, পুরুষার্থ উঁচু পদ পাওয়ার জন্য করা উচিত । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মূখ্য সার :-

১) নিজের হাতে নিয়ম ওঠাবে না । নিজেদের মধ্যে অনেক অনেক মিষ্টি ভাবে থাকতে হবে । কাউকেই দুঃখ দেবে না । ব্রাহ্ম মুহূর্তে উঠে বাবার সঙ্গে মিষ্টি - মিষ্টি কথা বলতে হবে ।

২) সেকেন্ডেই নষ্টমোহা হতে হবে । পবিত্র থাকার যুক্তি বের করতে হবে । হিন্মত রাখতেও হবে । জ্ঞান আর যোগবলের দ্বারা হিসেব - নিকেশ শোধ করতে হবে ।

বরদান :-- পরমার্থ আধারে ব্যবহারকে সহজ করে ভাগ্যবান আত্মা হও

অর্ধ কল্প ব্যবহার, ভক্তি আর ধর্মক্ষেত্র সবেতেই পরিশ্রম করেছো এখন পরিশ্রম মুক্ত হয়েছো । এখন ব্যবহারও পরমার্থ আধারে সহজ হয়ে গেছে । নিমিত্ত ভাবে সবকিছু করছো । নিমিত্ত ভাবে সবকিছু করলে সর্বদা সহজ অনুভব হবে । ব্যবহার নয়, এ হলো খেলা । মায়ার তুফান নয়, ড্রামা অনুসারে এগিয়ে যাওয়ার উপহার । তাহলে পরিশ্রম তো দূর হলো । এমন পরিশ্রম থেকে নিজেকে মুক্ত করা আমি শ্রেষ্ঠ আত্মা -- এমন স্মৃতিতে থাকো ।

স্লোগান :- জীবনে মাধুর্যের গুণ ধারণ করাই হলো মহত্ব